

1. Air Greenlandip paasissutissanut akisussaaffeqarnera

Air Greenland atorfirmik qinnuteqartoqarnerani inummut paasissutissanik nalunaarsuisarpoq suliaqartarlunilu. Allaffissorneq sillimaniarnerlu eqqarsaatigalugit paasissutissat sukkulluunniit eqqortuunissaat nutarneqarsimanissaallu pingaaruteqarpoq.

Ataatsimut isigalugu Air Greenlandimi paasissutissanik suliaqartarnermi inunnut paasissutissat siunertanut aalajangersimasunut, aammalu soqutigisat eqqortut (unioqqutitsiviunngitsut) aallaavigalugit suliarineqartarput. Inummut paasissutissanik aatsaat siunertat taaneqartut naammassinissaannut pingaaruteqartillugu pisariaqartillugulu suliarineqartarput, aammalu paasissutissat atorfissaarunneqaraangamik peerneqartarput.

2. Paasissutissanut akisussaasuni attaveqarfissanut paasissutissat

Air Greenlandimi Director HR paasissutissanut akisussaasuvoq, aammalu inuit pillugit paasissutissat inatsisit sukkulluunniit atuuttut naapertorlugit suliarineqarnissaannik qulakkeerisussaalluni.

Attaveqarfissanut paasissutissat:

Attaveqarfissaq: Mads B. Christensen
Najugaq: Siaqqinneq 1, 3905 Nuussuaq
CVR: 56996710
Oqarasuaatip normua: +299 343200
Mail: MChristensen@airgreenland.gl
Website: www.airgreenland.gl

3. Atorfimmik qinnuteqarnermi, akuersinermi ingerlatitseqqinnermilu inuit pillugit paasissutissanik suliaqartarneq.

Air Greenlandip HR-imi sullississut MindKey atorfiit inuttassarsiuunneqarnerinut qinnuteqartoqarneranullu atortarpaa.

Air Greenlandip inuit pillugit paasissutissat nalinginnaasut, qinnuteqartunit paasissutissiisutiginartut suliarisarpai. Taakku tassaapput:

- Inuit pillugit paasissutissat mianerisassaannngitsut nalinginnaasut:
 - o Qinnuteqartoqarnerani attaveqarfissanut paasissutissat, soorlu najugaq, oqarasuaatip normua, e-mail il.il.
- Inuit pillugit paasissutissat, annertunerusumik illersugassatut inissinneqartut (paasissutissat mianernartut aamma pissutsit inunnut tunngasut allat):
 - o CPR, peqqissutsimut paasissutissat, pinerlussimannnginnermut uppernarsaamik pissarsiniarnermi paasissutissat pissutsillu pineqaatissiiffiusinnaasut, oqartussaasunit akuersissutit il.il.

Atorfimmik qinnuteqarnermi inuit pillugit paasissutissat pisariaqartinneqartut kisimik suliarineqartarput. Suliarinninnerup ingerlaqqinnerani Air Greenland qinnuteqartumut tamatumunnga akuersissummik, soorlu atorfimmik isumannaallisaanikkut akuerisamik sulinissamut oqartussaasunit akuersissutinik attuumassutilimmik qinnuteqassaaq.

Akuersissummik piniartoqartillugu tunniunneqarnissaa nammineerluni aalajangigassavaoq, aammalu akuersissut sukkulluunniit uatsinnut nalunaaruteqarnikkut utertinneqarsinnaavoq.

Oqartussaasut suliaqarnerannut atatillugu paasissutissat atorfirmik qinnuteqarnermut attuumassuteqarpata, paasissutissanik oqartussaasunut attuumassutilinnut ingerlatitseqqittoqarsinnaavoq. Tamatuma saniatigut inuit pillugit paasissutissat avataani suleqaatasunut ingerlateqqinneqarneq ajorput.

4. Qinnuteqaammik utertitsineq.

Kajumissaarneqarluni qinnuteqartup sukkulluunniit tamanna pillugu Air Greenlandimut nalunaaruteqarnikkut Air Greenlandimi atorfirmut qinnuteqaatini utertissinnaavaa, mail: hr@airgreenland.gl.

5. Inuit pillugit paasissutissanik uninngatitsisarneq paaasernerlu

Kajumissaarneqarluni qinnuteqaat atorfirmik inuttassarsiuussinerup ingerlanerani uninngatinneqartarpoq, tamatumalu kingorna sivilunerpaamik ulluni 30-ni pigineqartarpoq, tamatumani qinnuteqartoq atorfiusinnaasunut allanut qinnuteqaatip toqqorneqarnissaanut akuersisimangippat – pisut ilaanni qinnuteqaat sivilunerpaamik qaammatini arfinilinni uninngatinneqartarpoq.

Qinnuteqartup sukkulluunniit qinnuteqaammi uninngatinneqarnissaanut akuersissutini utertissinnaavaa.

6. Air Greenlandimi kajumissarinertaqaqngitsumik qinnuteqaatit suliarineqartanngillat, kisiannili taamatut pisoqartillugu atorfinnut inuttassarsioneqartunut qinnuteqartoqarnissaannut innersuussisoqartarpoq.

7. Qinnuteqartup pisinnaatitaaffii

Paasissutissat ilinnut tunngasut suliarigutsigit, inuit pillugit paasissutissanut peqqussut malillugu immikkut ittunik arlalinnik pisinnaatitaaffeqarputit:

- Paasissutissat suliarineqarnerat pillugu paasissutissinneqarnissamut pisinnaatitaaffeqarneq
- Inuit pillugit paasissutissat ilinnut tunngasut pillugit paasitinneqarnissamut pisinnaatitaaffeqarneq
- Paasissutissat eqqortuunerinik paasitinneqarnissamut pisinnaatitaaffeqarneq
- Paasissutissat peerneqarnissaannut pisinnaatitaaffeqarneq
- Suliaqarnerup killilernissaanut pisinnaatitaaffeqarneq
- Paasissutissanik pissarsinissamut pisinnaatitaaffeqarneq (paasissutissat nalinginnaasumik atorineqartunik ilusilerlugit tunineqarnissaq)
- Akerliliissuteqarnissamut pisinnaatitaaffeqarneq

Uatsinnut saaffiginnillutit pisinnaatitaaffitit atorsinnaavatit, tassungalu ilanngullugu suliaqarnitsinnut akerliliissuteqarsinnaallutit. Uatsinnut attaveqarfissanut paasissutissat matuma siuliani nassaarisinnaavatit.

Assersuutigalugu inuit pillugit paasissutissat ilinnut tunngasut iluarsineqarnissaannik peerneqarnissaannilluunniit qinnuteqarlutit uatsinnut saaffiginnikkuit, piumasaqaatit naammassineqarsimanersut misissussavagut, tamannalu pisimappat allannguutissat piigassalluunniit piaarnerpaamik suliarissavagut.

Paasissutissat illersorneqarnissaannut oqartussaasunut, soorlu Paasissutissanut Nakkutillisoqarfimmut maalaaruteqarsinnaajuannarputit.

Air Greenland HR – 2018-imi maajimi.